



OYSTER PERPETUAL
SUBMARINER DATE

ROLEX



MICHELSEN
ÚRSMÍÐIR

Laugavegur 15 - 101 Reykjavík
511 1900 - www.michelsen.is

MARKAÐURINN

Miðvikudagur 18. júní 2014 | 37. tölublað | 10. árgangur

Sími: 512 5000 | [visir www.visir.is](http://www.visir.is)

SVANSMERKIÐ
SÍÐAN 2000!

Guðjón Ó

Mr. Loki Verndalt kynnis ólukkuhjólið

AG ATVINNUREKEN

BREGÐA LJÓSI Á GALLAÐ KERFI

- **Almar Guðmundsson, framkvæmdastjóri Félags atvinnurekenda, segist eiga von á því að næsta vetur vinnist áfangasigur í baráttunni við að fá vörugjöld afnumin og tollkerfið endurskoðað.**
- **Hann segir deginum ljósara að kerfið sé úr sér gengið og tilheyrir fortíð sem setja þurfi punkt við. Hluti raka um fæðuöryggi sem notuð hafi verið til að hamla innflutningi misbjóði heilbrigðri skynsemi.**
- **Félagið hefur unnið að tillögum til úrbóta sem leggja á fram í haust. Í dag eru kynntar upplýsingar sem komið hafa í ljós í um ýmislegt einkennilegt tengt tollum og vörugjöldum.**

SÍÐA 4-5

Óþarfa tollar og vörugjöld

Arion spáir 2,2% ársverðbólgu

Greiningardeild Arion banka spáir 0,3 prósentu hækkun á vísitölu neysluverðs í júní. Gangi spár deildarinnar eftir mun ársverðbólga mælast 2,2 prósent samanborett við 2,4 prósent í maí.

„Lækkun á ársverðbólgu milli mánaða skýrist aðallega af hóflegri hækkun á flugfargjöldum og eldsneyti í ár samanborett við sama mánuð í fyrra,“ segir í nýjum Markaðspunktum greiningardeildarinnar.

Þar segir einnig að deildin spái hækkandi íbúðaverði og að matarkarfan muni sömuleiðis hækka lítillega.

Sandgerði greiðir skuldabréf

Sandgerðisbær hefur greitt upp skuldabréf sem bæjarfélagið tók árið 2003 og nam þá 350 milljónum króna. Auðkenni skuldabréfaflokksins í Kauphöllinni var SANB 03 1.



Samkvæmt skilmálum um skuldabréfaflokkinn var bæjarfélaginu heimilt að greiða lánið upp á hvaða gjalddaga sem er frá og með 40. gjalddaga.

Kauphöllin, Nasdaq OMX Iceland, hefur samþykkt beiðni Sandgerðisbæjar um að taka skuldabréfin úr viðskiptum við lokun markaða í dag.

BP gerir tuttugu ára samning

Forsvarsmenn breska olíurísans BP (British Petroleum) skrifuðu undir samning um sölu á fljóttandi jarðgasi við kínverska olúfyrirtækið CNOOC í Lundúnum í gær.

Samningurinn gildir næstu 20 árin, samkvæmt frétt BBC um málið. Hann er metinn á rúma ellefu milljarða punda, jafnvirði 2.291 milljarðs íslenskra króna. David Cameron, forsætisráðherra Bretlands, og Li Keqiang, forsætisráðherra Kína, voru viðstaddir undirritunina.

Fulltrúar CNOOC voru staddir hér á landi í síðustu viku til að kynna samstarfsaðilum sínum hér verkáætlun sem miðast við að boranir hefjist á Drekasvæðinu mun fyrir en áður var gert ráð fyrir. Kínverska olúfélagið varð þátttakandi í olúleitinni í janúar.

Sjónmælingar í Optical Studio

SMÁRALIND • LEIFSSTÖÐ • KEFLAVÍK

Tímapantanir í síma:

- Optical Studio í Smáralind sími 5288500
- Optical Studio í Keflavík sími 4213811
- Optical Studio í Leifsstöð sími 4250500

Gengi félaga í Kauphöll Íslands

4
Á UPPLIÐ
 Félög sem hækkuðu í verði

7
Á NIÐURLEIÐ
 Félög sem lækkuðu í verði

4
STÓÐU Í STAÐ
 Félög sem stóðu í stað

MESTA HÆKKUN
ÖSSUR
22,3% frá áramótum

ÖSSUR
1,6% í síðustu viku

MESTA LÆKKUN
TRYGGINGAMID-STÖÐIN
-19,3% frá áramótum

VÁTRYGGINGA-FÉLAG ÍSLANDS
-3,5% í síðustu viku

Félag	Gengi í gær	Frá áramótum	Vikubreyting
Atlantic Airways (DKK)	144,50	-5,9%	0,0%
Bank Nordic (DKK)	118,00	-9,2%	0,0%
Eimskipafélag Íslands	228,25	-12,9%	0,3%
Fjarskipti (Vodafone)	30,75	12,8%	1,0%
Hagar	44,48	15,8%	-0,4%
Icelandair Group	17,40	-4,4%	-1,4%
Marel	108,00	-18,8%	-0,9%
N1	16,60	-12,2%	-0,6%
Nýherji	4,20	15,1%	0,0%
Reginn	16,40	5,5%	1,2%
Tryggingamiðstöðin*	25,88	-19,3%	-0,5%
Vátryggingafélag Íslands**	8,82	-18,3%	-3,5%
Össur	280,00	22,3%	1,6%
HB Grandi	28,00	1,1%	0,0%
Sjóvá	12,36	-8,5%	-2,0%
Úrvalsvisitalan OMX16	1.153,88	-8,4%	-0,9%
First North Iceland			
Century Aluminum	1150,00	0,0%	0,0%
Hampiðjan	20,90	57,7%	4,5%
Sláturfélag Suðurlands	1,22	13,0%	0,0%
Atlantic Petroleum (DKK)	145,00	0,0%	0,0%

*fyrsta verð 08. maí 2013 **fyrsta verð 24. apríl 2013

Dagatal viðskiptalífsins **keldan** dagatal viðskiptalífsins

- Miðvikudagur 18. júní**
 → Samræmd vísitala neysluverðs í maí 2014
 → Vinnurmarkaður í maí 2014
- Fimmtudagur 19. júní**
 → Vísitala íbúðaverðs á höfuðborgarsvæðinu
 → Verðmæti sjávarafra janúar–mars 2014
- Föstudagur 20. júní**
 → Upplýsingar um leiguverð íbúðarhúsnæðis
- Vísitala byggingarkostnaðar fyrir júlí 2014
- Þriðjudagur 24. júní**
 → Vísitala kaupmáttar launa í maí 2014
 → Mánaðarleg launavísitala í maí 2014
 → Vísitala lífeyrisskuldbindinga í maí 2014
 → Greiðslujöfnunarvísitala í júlí 2014
- Allar markaðsupplýsingar eru aðgengilegar á **vísir**

565 6000 / somi.is

TAKTU GÆÐIN MEÐ ÞÉR Í NESTI.

Nestispokinn frá Sóma
 Frábært fyrir ferðaskrifstofur eða fyrirtækjahópa. Hægt er að hafa pokann í ýmsum útfærslum og stærðum. Gerum verðtilboð fyrir stærri hópa.

ÞÆGILEGT!
 Allt í einum poka

SÓMI

Borgun býður upp á snjalllausnir við greiðslu með sínum eða spjaldtölvum:

Nota Snjallposa frá Handpoint

Borgun og íslenska nýsköpunarfyrirtækið Handpoint hafa gert með sér samning um að Borgun bjóði upp á Snjallposa Handpoint.

Með Snjallposanum geta fyrirtæki og einstaklingar tekið við greiðslum í snjallsíma eða spjaldtölvu. Einfalt er að tengja lausnina við kassakerfi og hentar hún því breiðum hópi viðskiptavina.

„Það er fagnaðarefni að eins öflugt fyrirtæki og Borgun bjóði viðskiptavinum sínum upp á þessa nýjung sem á eftir að breyta greiðsluþjónustu til framtíðar. Það er okkar sýn að spjaldtölvur og snjallsímar muni að mestu leyti

leysa af hefðbunda afgreiðslukassa á næstu árum,“ segir Davíð Guðjónsson, framkvæmdastjóri Handpoint.

Samstarf fyrirtækjanna mun bjóða upp á enn fleiri tækifæri í framtíðinni með stöðugri þróun snjallgreiðslulausna Handpoint, segir í tilkynningu frá Handpoint.

„Það er okkur sönn ánægja að bjóða upp á þessa nýjung í móttöku greiðslna. Með því að bjóða upp á Snjallposa eykur Borgun vöruframboð sitt og kemur til móts við síbreytilegar þarfir viðskiptavina sinna,“ segir Haukur Oddsson, forstjóri Borgunar.

- fbj



NÝSKÖPUN Handpoint er íslenskt nýsköpunarfyrirtæki sem sérhæfir sig í greiðslulausnum fyrir einstaklinga og fyrirtæki í Evrópu. FRÉTTABLAÐIÐ/GVA

Fjármögnun nýrra Stracta-hótela ólokið

Einn eigenda Stracta Konstruktion segir fjármögnun hótela á Húsavík og í Skaftárhreppi skýrast á næstu mánuðum. Fá líklega aðra fjárfesta í verkefnin. Tóku á móti fyrstu gestunum á mánudag.

FERÐAÞJÓNUSTA
 Haraldur Guðmundsson | haraldur@frettabladid.is

„Við ætlum að skoða fjármögnun á næstu tveimur hótelum á næstu mánuðum og þá munum við að öllum líkindum fá fjárfesta með í málin,“ segir Hreiðar Hermannsson, framkvæmdastjóri Stracta Konstruktion ehf.

Hreiðar og sonur hans, knattspyrnumaðurinn Hermann Hreiðarsson, ætla að byggja alls tíu hótél víða um land, eins og áður hefur komið fram. Hótél á Húsavík og á Orrustustöðum í Skaftárhreppi eru næst á dagskrá. Ekki er búið að ganga frá fjármögnun hótela en áætlaður heildarkostnaður er um fjórir milljarðar króna.

„Við ákváðum að gera í sjálfu sér ekkert í því fyrr en hótelið á Hellu yrði tilbúið og við sæjum allar reynslutölur þaðan, hver kostnaðurinn var í raun og hvernig áætlaðar bókanir voru,“ segir Hreiðar.

Hann og Hermann tóku á mánudag við fyrstu gestum Stracta-hótelsins á Gaddstaðaflosum við Hellu. Þar hafa þeir byggt 126 herbergja hótél fyrir um 1.570 milljónir króna.

„Það er nánast búið að ganga frá skipulagsmálum á Húsavík en þau eru ekki enn komin í gegn fyrir Orrustustaði. Það er mest pressa á að við opnum í Skaftárhreppi og ég reikna með að framkvæmdir hefjist þar í haust.“



ALLT Á FULLU Verktakar vinna nú við frágang á lóð þjónustubyggingar hótelsins á Hellu. MYND/EIRIKUR HILMARSSON

Hreiðar Hermannsson



að ganga frá öllu á Reyðarfirði á þessu ári,“ segir Hreiðar, spurður hvort salan þýði að breytingar verði gerðar á áætluðum félagsins.

Alls 81 herbergi var bókað á Hellu á mánudag en hótelið verður ekki formlega opnað fyrr en síðar í mánuðinum.

„Formlegur opnunardagur verður ekki fyrr en búið er að helluleggja, þökuleggja og ganga frá heitum pottum. En þetta er ótrúlega flott byrjun og frá næstu mánadag er hvert einasta herbergi bókað og fram í júlí. Svo er fínt útlit framundan og staðan er því góð.“

Rafsígarettur mest selda vara Reynolds American sem er næststærsti tóbaksframleiðandi Bandaríkjanna:

Alþjóðleg dreifing rafsígarettna

Tóbaksframleiðandinn Reynolds American Inc. hyggst hefja alþjóðlega dreifingu á „Vuse“-rafsígarettum sínum í næstu viku.

Eigandi Reynolds American, sem er næststærsti tóbaksframleiðandi Bandaríkjanna, sagði í gær að öll 50 ríki landsins myndu bjóða upp á Vuse í smásölu frá og með 23. júní og þá verður hægt að nálgast vöruna í enn fleiri verslunum.

Vuse-sígarettarnar voru settar á markað síðasta sumar en markaðurinn í heild sinni er að þróast í þessa átt. Varan varð fljótt sú mest selda hjá Reynolds American, þar sem fólk kemur ítrekað að kaupa níkótínafyllingar.

Rafsígarettur eru ekki fánlegar á Íslandi og í upphafi árs sendu Lyfjastofnun, Neytendastofa og Tollstjóri frá sér tilkynningu þar sem bent var á að ekki sé heimilt að flytja inn og dreifa rafsígarettum með níkótíni.

-fbj



LYF TIL AÐ HÆTTA AÐ REYKJA Rafsígarettur verða skilgreindar sem lyf í Bretlandi árið 2016 og verður ávísað af læknum. FRÉTTABLAÐIÐ/AP

Loksins færðu stuðning
í vinnunni

Knoll

CHADWICK STÓLLINN
SAMEINAR FALLEG FORM
OG HÁMARKSPÆGINDI.

Harpa / Skeifan 6 / Keflavíkurvöllur / 5687733 / epal@epal.is / epal.is



Tilboðsverð:

138.800kr*

Fullt verð: 198.500kr



HÖNNUÐUR: DON CHADWICK

Vilja grisja frumskóg tolla og vörugjalda

Félag atvinnurekenda (FA) kynnir í hádeginu í dag ólukkujól Loka Verndalt. Fundurinn er liður í að fá vörugjöld afnumin og tollakerfi einfaldað. „Kerfið er ógagnsætt og mörgum óskiljanlegt,“ segir Almar Guðmundsson, framkvæmdastjóri FA.

VIÐTAL
ÓLI KRISTJÁN ÁRMANNSSON
OLIKR@FRETABLADID.IS



Á hádegisfundi um tolla og vörugjöld sker Félag atvinnurekenda í dag upp herör gegn ógagnsæjum frumskógi gjalda sem lögð eru á innfluttan varning.

„Félag atvinnurekenda, sem áður hét Félag íslenskra stórkaupmanna, hefur lengi, líklega í áratugi, barist gegn vörugjöldum og tollum,“ segir Almar Guðmundsson, framkvæmdastjóri Félags atvinnurekenda. Í gjöldunum felist viðskiptahindranir sem bjagi verð á markaði, skekki samkeppni og takmarki valfrelsi neytenda. „Þetta hefur því verið rauður þráður í okkar starfi og undanfarin misseri, kannski sérstaklega eftir að vörugjaldakerfið breyttist aftur til hins verra árið 2009, þegar fyrri útgáfan af núverandi sykurskatti var sett fram, höfum við verið mjög virk í að vekja athygli á skaðlegum áhrifum þessara gjalda.“

Í vetur segir Almar félagið hafa unnið að útfærslu tillagna þar sem lagðar eru til mjög miklar breytingar á útfærslu tolla hér á landi. Stefnt sé að því að leggja þessar tillögur fram í september. „En til þess að vekja athygli á málstaðnum þá boðuðum við til þessa fundar til þess að kynna þá vinnu sem farið hefur í að grisja þennan frumskóg sem tollar og vörugjöld á Íslandi eru. Kerfið er bæði flókið og óaðgengilegt, en við erum þarna búin að tína til sextán dæmi sem eftir atvikum eru áhugaverð, fyndin, grátbrosleg eða hreinlega hneykslanleg. Það fer svolítið eftir því hvernig menn vilja horfa á málið.“

Áfangasigur í sjónmáli

Þá bendir Almar á að hluti af tillögum sem settar voru fram í september síðastliðnum undir merkjum Falda aflsins hafi snúið að því að afnema vörugjöld og einfalda neysluskatta og aðflutningsgjöld. Hluti af þeim tillögum sem þá voru lagðar fram hafi náð fram að ganga en enn sé unnið að öðrum, svo sem umbótum í tollamálum.

Þótt barátta við verndartolla og vörugjöld hafi verið löng og ströng og ávinningur ef til vill ekki mikill segir Almar samtökun upplifa það sem svo að ákveðin þáttaskil gætu nú orðið. „Við höfum náð árangri í að benda á ýmsa fáránlega tolla, svo sem á frönskum kartöflum og fleiri kartöfluafurðum sem bera mjög háa verndartolla á meðan innlend framleiðsla er engin, eða að minnsta kosti verulega takmörkuð. Við finnum fyrir því að þessi mál hafa mun meiri áhrif og að vitund bæði embættismanna og almennings er að aukast og það gefur ákveðinn tón.“

Umræðuna segir Almar ann-

ars tvískipta. Annars vegar séu vörugjöldin, sem Bjarni Benediktsson fjármálaráðherra hafi lýst yfir vilja til að afnema. „Sjálfur sit ég nú í stýrihópi um afnám vörugjalda og tel því að við sjáum vonandi einhver tíðindi af vörugjaldabættinum strax næsta vetur.“ Sérstaklega segist hann horfa til þess að afnumin verði þessi svokölluðu almennu vörugjöld, svo sem gjöld sem leggjast á margvíslegar byggingarvörur.

„Og síðan er spurning í þeirri vinnu hvað verður um sykurskattinn, sem ef til vill var lagður á með góðum ásetningi um að draga úr neyslu á sykri. En að okkar mati er sú aðferð heldur fornfáleg og eðlilegra að fara aðrar leiðir þegar ríkið vill hafa áhrif á neyslu landsmanna.“ Vonir standi til þess að þessi vinna leiði til þess að nokkuð stór áfangasigur vinnist, í það minnsta hvað varði vörugjöldin.

Tollar verða seint afnumdir alveg

„Síðan eru það tollarnir og þar er kannski erfiðara að átta sig á því hversu miklar breytingar við munum sjá á næstu misserum.“ Tollarnir séu í eðli sínu miklu pólitískara mál, því þeir varði að stórum hluta það fyrirkomulag sem verið hefur um landbúnaðarkerfið hér á landi. „Ég er hins vegar mjög bjartsýnn á að núverandi stjórnvöld átti sig á því að hvorki sé mikil skynsemi eða reisin yfir því að vera með eitthvað sem við köllum verndartolla á afurðum sem ekki eru framleiddar hér, eða framleiddar í mjög takmörkuðu mæli,“ segir Almar. Síðan standi eftir annars vegar hagfræði- og markaðsfræðileg umræða annars vegar og pólitísk hins vegar um hvernig skuli standa að vernd innlendra framleiðslugreina. Þar undir séu hlutir á borð við lambakjöt, mjólkurafurðir og fleira slíkt.

„Í öllu falli trúum við því og treystum að núverandi stjórnvöld vilji gera þetta kerfi skiljanlegra. Framkvæmdin á því er þannig að hún ein og sér skapar tortryggni vegna þess hve kerfið er ógagnsætt og mörgum óskiljanlegt.“ Draumastöðuna segir Almar að kerfið verði stokkað upp í heild sinni. „Ég held staðan verði aldrei sú að verndartollar verði afnumdir með öllu, en þeir verða kannski skiljanlegri og hægt að ná um þá meiri sátt ef þeir eru hóflegir og á sviðum þar sem undir eru raun-

15% Hið opinbera seilist inn á baðherbergi landsmanna með því að leggja 15 pró-senta vörugjöld á salerni, vaska, baðker, sturtubaðker og flísar. Hér er þó engin framleiðsla á þessum hlutum líkt og kemur fram á Ólukkujóli Loka Verndalt.



ALMAR GUÐMUNDSSON Næsta haust stendur til að kynna ýtarlegar tillögur Félags atvinnurekenda um umbætur í tollamálum. Í dag er kynntur hluti þeirrar vinnu sem félagið hefur lagt í og kastljósinu beint að brotalöllum og einkennilegheitum tengdum tollum og vörugjöldum.

FRÉTTABLAÐID/STEFÁN

52 króna magntollur er lagður á hvert kíló af barnamat með kjöti. „Ekkert kjöt fyrir börnin,“ segir á Ólukkujóli Loka Verndalt. Þar kemur jafnframt fram að barnamat með kjöti sé ekki framleiddur hér á landi.



verulegri framleiðsluhagsmunir landbúnaðarins.“

Móðgun við hugsandi fólk

Almar segir hér rekna mjög harða verndarstefnu og óþolandi til þess að hugsa að landið uppfylli ekki allar kvaðir sem það hafi þegar undirgengist í opnum markaða, svo sem á vettvangi Alþjóðaviðskiptastofnunarinnar (WTO). Rök um fæðuöryggi sem beitt sé til að takmarka innflutning matvöru séu oft og tíðum ekki trúverðug.

„Þegar kemur að ferskri vöru, innflutningi á hráu kjöti og öðru slíku, hefur maður á jaðrinum örlítið meiri skilning á þessum rökum. En þetta eru engu að síður vörur sem Evrópubúum er treyst til þess að borða í stórum stíl og virðist ekki verða sérstaklega meint af. Það gengisfellir þessi rök mjög mikið.“

Á hinn bóginn sé verið að tala um frýstar afurðir og annað slíkt þar sem í sjálfu sér sé engin hættu á ferðinni. „Samt er fyrirstaða og jafnvel með þessum rökum í kerfinu og það er allt að því móðgun við hugsandi fólk.“

Nýfallinn er dómur um tollflokun iPod-tækja frá Apple (sjá hér til hliðar) og svo hefur líka verið höfðað mál á hendur ríkinu vegna osta- og smjörmálsins svokallaða en það fjallar um þá mismunun sem félagið telur felast í því að framleiðandi smjör fái greiðlega leyfi frá atvinnuvegaráðuneytinu til innflutnings þegar skortur hafi komið upp hér innanlands, en annað sé upp á teningnum þegar framleiðandi sérosta fari fram á tollkvóta til innflutnings. „Svo höfum við hér unnið

mjög náid með okkar félagsmönnum í að fara yfir tollskrár þeirra með það fyrir augum að sjá hvort í þeim séu einhverjar ambögur og þær er hægt að finna.“

Þeir hæfustu lifa af

Tollamál segir Almar hins vegar mjög flókin og því hafi félagið fundið fyrir í þeirri vinnu sem unnin hafi verið í tengslum við kynninguna í dag.

„Þarna er ákveðinn kostnaður í viðskiptalífínu sem hægt væri að draga úr. Menn þurfa að vera sérfróðir og maður sér að sum fyrirtæki eru betri en önnur í því að koma ár sinni fyrir borð í þessu kerfi.“ Það sé á vissan hátt gott fyrir þau fyrirtæki sem standa sig vel en um leið slæmt að þessi staða sé uppi, að fyrirtæki sem séu snjallari í að vinna með tollflokka hagnist á því í samkeppni við önnur á sama sviði.

„Við viljum auðvitað samkeppni og að snjöll fyrirtæki njóti velgengni á kostnað hinna, en kannski ekki í þessum málaflökki, að hinir hæfustu komist af í frumskógi tollamálanna.“

ÚR SÉR GENGID OG FLÓKID KERFI

Fyrir helgi úrskurðaði héraðsdómur að iPod-tæki Apple hefðu verið tolluð á rangan hátt. Almar Guðmundsson, framkvæmdastjóri Félags atvinnurekenda, segir málareksturinn endurspeglar hversu langt þurfi að ganga til þess að fá hlut sinn réttan í kerfinu. Alls hafi verið tekist á um málið í um fjögur ár.

„Við þekkjum iPod-málið mjög vel og höfum verið með Apple á Íslandi í því frá upphafi og fögnum niðurstöðunni mjög,“ segir Almar. „Þarna er dugmikill aðili sem telur á sér brotið og fer allar mögulegar leiðir til að fá úr sínum málum bætt og endaði fyrir héraðsdómi núna. Svo á eftir að sjá hvort það fari á annað dómstig.“

Flækjustig tollamála sé hins vegar mjög mikið. „Þarna fer flokkun í tollskrá að skipta máli, en ef hins vegar vörugjöldin væru engin þá væri enginn að rífast um neitt.“ Almar segir í raun ósanngjarnt að leggja á embættismenn að þurfa að ákveða hvort iPod sé afspilunartæki, útvarp eða tölva.

„Annað dæmi eru sjónvörp sem bera vörugjöld, en tölvuskjái ekki. Sjónvarpsútsendingar er hægt að horfa á eftir báðum leiðum.“ Svo þegar sjónvörp séu komin með HDMI-tölvutengi þurfi embættismenn að meta hvort þau teljist þá líka tölvuskjái. „Það sér hver heilvita maður að þetta kerfi er úr sér gengið og mjög mikilvægt að fella það niður, þó ekki væri fyrir annað en kraft einfaldleikans. Þegar embættismenn þurfa að fara að horfa á svona hluti þá tilheyrir það einhverri fortíð sem ég held að mjög margir séu sammála um að við þurfum að fara að setja punkt við.“

Tekur ríkisins af vörugjöldum eru yfir þrjú milljarðar á ári. Til þess að viðhalda þeim tekjum ríkisins segir Almar nær að gera smávægilegar breytingar á virðisaukaskattkerfinu. Markmiðið sé að einfalda kerfið.



Kerfiskarlinn Loki Verndalt

Félag atvinnurekenda (FA) kynnir á hádegisfundi sínum í dag til sögunnar fígúruna herra Loka Verndalt. Hann er sagður birtingarmynd ógagnsærs kerfis sem ætti að heyrja fortíðinni til. Loki sést svo á ólukkuhjólínu sem gestir FA geta fengið að snúa á fundi félagsins.

Það ræðst síðan af því hvað hver og einn er óheppinn á hvaða reit hann lendir, en félagið hefur tekið saman á hjólinu sextán dæmi um tolla og vörugjöld sem orkað geta tvímælis. Sumt hefur verið fjallað um í fréttum, svo sem tolla sem lagðir eru á osta og kartöfluaufurðir þrátt fyrir að hér heima sé engin framleiðsla til að vernda. Þá eru dregin fram dæmi um skringilegheit í álagningu gjalda, svo sem í því að sjónvarpstæki beri 7,5 prósentu verðtoll og 25 prósentu vörugjald á meðan tölvuskjái beri hvorki toll né vörugjald.



MYND/FÉLAG ATVINNUREKENDA

KEMUR ÞÚ AF FJÖLLUM?

landrover.is

LAND-ROVER

ABOVE AND BEYOND

ÞAÐ ER KOMINN NÝR LAND ROVER DISCOVERY 4

OPIÐ Í DAG FRÁ 12-16

210 hestafla dísilvél, 8 þrepa sjálfskipting með takkaskiptingu í stýri og loftþúðafjöðrun með Terrain Response drifbúnaði á öllum hjólum gera Land Rover Discovery 4 að einum öflugasta og þægilegasta jeppa sem völ er á. Meðal nýjunga er nýr framendi með nýjum aðalljósum, breytt afturljós, start/stopp ræsibúnaður og Meridian 380W hljómtæki.

Discovery 4 S – verð frá: 11.890.000 kr.
Eldsneytisnotkun 8,8 l/100 km* í blönduðum akstri.

Þú færð allar nánari upplýsingar um verð og búnað á www.landrover.is

BL

BL Sævarhöfða 2, sími 525 8000



Make it matter



étt Aðeins 1,49 kg þunn Aðeins 1,59 cm & sterk

HP EliteBook Folio 1040 G1
með Intel® Core™ i7-4600U örgjörva.



Framúrskarandi hönnun, létt, þunn og sterkbyggð

HP hefur tekist að skapa einstaka fartölvulínu fyrir fyrirtækjaumhverfi. Jafnvel kröfuhörðustu notendur verða ekki fyrir vonbrigðum.



UltraSlim tengikví fyrir skrifstofuna.*



Létu þér lífið.



Solid State diskur (SSD).



3 ára ábyrgð á rafhlöðu.

*aukabúnaður

Kynntu þér EliteBook nánar á
www.ok.is/elitebook/

Allar nánari upplýsingar á www.ok.is.
Intel, merki Intel, Intel Inside, Intel Core og Core Inside eru vörumerki Intel Corporation í Bandaríkjunum og/eda öðrum löndum, Microsoft og Windows eru skráð vörumerki Microsoft Corporation.

OPIN KERFI
Sérfræðingar þér við hlið



